

دل اللہ نالے اللہ دے حبیب نال جوڑ

پنجابی نعت

دل اللہ نالے اللہ دے حبیب نال جوڑ
مَل اکو ای دوارا باقی سب در چھوڑ

دلا میریاں توں سن اج سچیاں گلاں
کدی چھڈ کے تے ویکھ در در منگناں
کِرے بہہ کے کلیاں ایہہ سوچ تے ذرا
جیہڑے آپ منگتے اوتھوں کی لبھناں
اُٹھ اپنے بنائے سارے چوٹھے بت توڑ
مَل اکو ای دوارا باقی سب در چھوڑ

جدوں آوے کوئی تھوڑ سونھے نبی کولوں منگ
جنا مرضی اے منگ دلا ذرا وی نہ سنگ
پہڑ لڑ سخی سونھے لچپال شاہ دا
ہُن اپنی حیاتی اوہدے رنگ وچ رنگ
تینوں ہور کسے پاسے نیئیں تکنے دی لوڑ
مَل اکو ای دوارا باقی سب در چھوڑ

ویکھ رب دے خزانے سارے سونھا ونڈدا
ہر اک دیاں آساں تے امیدیاں رنگدا
سونھا رحمتاں دی بارشاں وساندا رج کے
توں وی چل پہلے ہلے نیئیں وساہ دم دا
سونھا اپنا کجھ دیندا اے نیئیں رہندی کوئی تھوڑ
مَل اکو ای دوارا باقی سب در چھوڑ